

Angajoqqaajunermik misiliineq

Ulluni marlunni angajoqqaajuneq misilikkusuppiuk?

Inuusamik naalungiarsummik paarserusuppit?

9. klasse-mi atuartuutit?

Paasissutissat

9. klasse-mi atuartuuguit inuusamik elektroniskimik Real Care® -imik ulluni unnuanilu marlunni paarsinissamut periarfissaqarsinnaavutit.

Inuusaq meeraaqqatut pissuseqarpoq.

Nangilersugassaasarpog, nerisitassaasarpog, inequtassaasarpog innartitassaasarlunilu. Naammagittarunnaarlutit assersuutingalugu inuusaq angajoqqaannut qimassimagukku, inuusaq ”oqaatilliissaaq”.

Illit klassimilu atuaqatitit inuusarnikkut meerartaarnissamut piareernermit suliniuteqartunit pulaarneqarussi, siullermik angajoqqaajunissamut piareersarneqassaatit. Illit atuaqatitillu naalungiarsuup pisariaqartitaanik qanorlu paarineqarnissaanik ilinniartinneqassaasi.

Angajoqqaajuneq angajoqqaajulluarnelut qanoq paasisariaqarnersut ilaatigut oqallisigineqassapput. Tamatuma kingorna kajumittut tamarmik inuusamik tunineqassapput.

Inuusaq paarereerukku peqatigiilluta qanoq ingerlasimanersusi paasiniassavarput. Inuusaq qanoq paarineqarsimanermit paasissutissiisinnaasumik iluanut ikkussamik maluginiuteqarpoq. Inuusarnissinni misilittakkasi klassimi ataatsimoorluta aamma oqaluuserissavagut.

Taamatuttaaq meerartaarnissaaq pillugu qanoq eqqarsaateqarnersi oqaluuserissavarput.

Atoqatigiinneq pillugu ilinniartitsineq naartunaveersaatinillu atuineq naggasiutigissavagut.

Illit klassimilu atuaqatitit, ilinniartitsisussi peqataasinnaanera aalajangissavarsi.

Atoqatigiinneq pillugu ilinniartitsineq, ilaatigut peqqinnartumik atoqatigiinnermit ilitsersuinerussaaq, atoqatigeeriaatsit assigiinngitsut oqallisigineqassapput, sungiusaatinilli quianartunik ilaatigut ”usuup puuanik arpaliussineq”-mik ilaqassalluni.

Inuusamik paarsaqarusukkuut

Ilinniartitsisut- inuusarnermik ilinniartitsisumut paarisa@nanoq.gl -imut allallutit apeqquteqartissinnaavat.